

schweer/ gegen dem todt/ aber gleich als ein komfantes/ gegen ey-
nem berg/ Darumb her/ sich heraber vō den hymeln/ sich meyn
gedreng vñ qual/ trübsal vnd vmbreyben. Izt stee ich in ang-
sten der hell/ in schmerzen des todes/ in hellischen ansechtunge
Ich bin mit hand vñ fussen an dein Creutz geschlagen/ vō myn
meyn clag/ marck was sie furnemē/ wie sie yre zungē außreckē
vñ wie die Juden (bey dem Creutz) schreyen. Er hatt in gott ge-
hofft/ d mach in nun selig/ dan er wil yhn haben. Haben sie nit
greulich dasselb gesagt/ wan sie sprechen/ Ich sol mich deynes
worts/ der warheyt/ erwege/ vnd vortzeyhen/ fall ich von deynē
wort/ so syn ich berayt fern vō dir abgefallen/ Vorgeß ich dey-
ner zusag/ so gedēckestū meyn mit nit/ Vorließ ich dein schußt/
so wirt mich der teuffel/ mit allem vnglück/ vñ übel/ baldt fin-
den/ vñ peynigen/ vñ ewig besitzen/ Darūß hilff mir/ erlöß mich
Mich trostet/ das allein/ das Christus an dem Creutz solche
reuber des wort gottis/ auch hat gehört vñ geliden.

ps. 21.

Zur das ander trostet mich / das yglich betrubnus / sünde ab-
weschet / so der schmerzen ym glauben geduldet / vnd in hoff-
nung zu gott angenommen ist. Zu dem dritten/ das gott durch
vorsuchung vnsern glauben beweert vñ beweyset. Zu dem vier-
den/ erfreuet mich/ das alles leyden/ eyn suchtruthen ist/ durch
welche/ der hymelisch vatter seyn kinder/ heym sucht/ vñ reyniget
vnd schön macht. Mich ergetzet auch allenthalben / das
wort gottis / welches spricht / das der lebendig barmhertzige
gott/ ab/ yn die hell/ vnd wider auff furet/ vnd ca stigeret/ auff
das er barmhertzikeyt ertzeyge. Der heylig Job spricht/ du solt
die straff vnd peyn/ des hern nit vorachten oder vorspotten/ dā
er vorwundet/ das er heyl macher/ schlecht/ vñ vnd seyn handt
macht er gesundt.

Tobię. 3.

Iacobi. 1.

Prouer. 3.

Ad hebrę. 12

1. Regū. 1.

Trę. 3.

Iob. 5.

Got d würffet mich izt in die tieff des wassers/ vñ furet alle
seyn fluß vber mich/ got der hefft mich in den schlamm der och-
sen. vñ gele kelber. Wā mich got nit einfuret/ sie mochte mir gar
nicht gethun/ soll ich darumb vortzweyffeln? Das gott sein
angesicht von mir gewendet? Vnd sich vorborgen? Vnd mich
alles vbel gefunden vnd überfallen hat? Das mich got vorlass-
en? Das got mit mir nit ist/ ym vteyl der welt? Das sey fern/ das
ich glaub. Das mich gott gar vnd ganz vorlassen hab.

ps.

ps.

Deutro . 31.

¶ Christus spricht. O meyn gott/ wie hastu mich vorlassen/